

由李思捷、麥長青（麥包）、黃智賢、曹永廉與唐文龍組成的5人男團Hey Brother，合共年齡超過280歲，不過他們人老心不老，依然對音樂充滿熱誠。昨日思捷與麥包出席活動時，笑言打算殺入樂壇爭獎，麥包更指樂壇欠思捷一個交代。

■麥包（右）笑言樂壇欠李思捷一個交代。

## 中佬男團Hey Brother處男演出

# 李思捷 變長青 殺入樂壇爭獎

李思捷、麥長青、車婉婉與張馳豪等昨日到荃灣出席《慈善星輝仁濟夜》記者會，提到思捷、麥包與黃智賢、曹永廉、唐文龍組男團Hey Brother，將會在節目中作第一次演出，思捷指眾人年齡加起來超過280歲，自嘲「發老姣」。麥包則指大家組男團只求開心，除了會出新歌，更計劃拍電影：「男團已經講咗兩年，要等埋思捷『入五』，唔係唔夠老餅。其實曹永廉都已經『登六』，不過佢個樣就最後生。」

兩人笑言Hey Brother打算進軍樂壇爭獎，提到思捷經常模仿巨星唱歌，更似模似樣，可覺得樂壇欠他一個交代？麥包笑言：「梗係啦，佢咁歌手嘅歌都唱過晒。」「扮

嘢王」思捷則說：「可能就係冇自己嘅歌，冇自己嘅風格。」

### 張馳豪為音樂劇留鬚

思捷透露最近腰骨痛，面部更紅得一撻撻：「十幾年前試過坐骨神經痛，痛咗半年，仲成個星期行唔到。最近扭一扭條腰，所以依家要慢動作好好保護條腰，表演嗰陣跳舞就有問題。皮膚一撻撻係因為我面皮薄，微絲血管爆裂，已經醫咗幾個月，依家日日都用蘆薈敷面，已經好咗好多。」

車婉婉與張馳豪除了為節目表演外，更會落區進行探訪，車婉婉說：「有個受訪者因為意外，卅幾歲就癱瘓，探訪完之後覺得自己好卑微，亦好幸福，所以唔好將嘢小事放到咁大，望吓人哋要解決幾大件事。」張馳豪透露為音樂劇留鬚，以新形象示人。




■車婉婉與張馳豪一齊派心。

■眾星為慈善不遺餘力。

## 李龍基開騷 未婚妻叫努力

74歲李龍基去年因「不可抗力」原因，取消原定於麥花臣場館舉辦的個唱，但2025年他宣布將於2月25日在文化中心音樂廳開騷。昨日他出席演唱會宣傳活動時透露，邀得吳麗珠和顏米羔做嘉賓。問到未婚妻Chris是否知他開騷？他哽咽說：「佢好開心！以前每次開騷佢都喺我身邊，呢次只得我一個，但我得嘍！況且佢有好多朋友話幫我，唔使太擔心。」並指Chris很愛聽他唱歌：「佢有同我講上次做唔到唔緊要，呢次要努力，唔好辜負你嘅聽眾，所以我好畀心機做！」



■李龍基邀得吳麗珠任個唱嘉賓。

## 周潤發霸氣 閃現賀歲片

內地懸疑電影《唐人街探案》系列票房屢創紀錄，今個農曆新年將推出《唐探1900》，除了有王寶強、劉昊然領銜主演，更加入周潤發助陣，還有海量紅星友情演出，有報道預測《唐探1900》極有可能打破《唐人街探案3》的45.22億元人民幣（約47億港元）票房紀錄。

日前《唐探1900》發布「笑鬧金山」版預告與「蛇來運轉」版海報，飾演唐人街協盛堂堂主的發哥以一黑一白的西裝造型現身，霸氣十足，與飾演華裔印第安獵人阿鬼的王寶強，以及飾演留美青年秦福的劉昊然這對搞笑孖寶，形成強烈對比。該片將於2月13日情人節前夕在香港上畫。



■周潤發以一黑一白西裝造型亮相。

## 曹敏寶囡囡旅行唔願瞓

《中年好聲音》歌手曹敏寶日前偕3歲女兒出席「世界骨質疏鬆日向脆弱骨齡說不！50+活力同行大型骨質檢測」活動，擔任星級愛心大使的她唱《萬水千山總是情》時，囡囡更上台表演，非常淡定。曹敏寶表示很喜歡偕子女出席活動，希望他們多見世面。早前她與家人趁聖誕假到大阪旅行，平時囡囡很文靜，但外出就好頑皮，凌晨兩三點都不肯睡，故整個旅程相當累。提到今年大計，她稱正籌備幾首華語歌，同時要籌備舞台劇：「人到中年可以做自己鍾意嘅工作，係好開心。」



■曹敏寶與囡囡「餅印」一